

# Safonau'r Gymraeg – Adroddiad Monitro Blynyddol 2018-19

## Crynodeb Gweithredol

Ar 1 Ebrill 2018, o dan Fesur y Gymraeg (Cymru) 2011, daeth Safonau'r Gymraeg i rym, gan ddisodli cynllun iaith blaenorol y Brifysgol. Cafodd Rheoliadau Safonau'r Gymraeg (Rhif 6) eu cymeradwyo gan Weinidogion Cymru, a Chomisiynydd y Gymraeg sy'n eu rheoleiddio. Prif nod y rheoliadau yw sicrhau nad yw sefydliadau addysg uwch yn trin y Gymraeg yn llai ffafriol na'r Saesneg, gan bwysleisio cynnig yn rhagweithiol a chofnodi'r dewis iaith yn hytrach na gadael i fyfyrwr, aelod o'r cyhoedd neu weithiwr ofyn am wybodaeth neu wasanaethau yn Gymraeg.

Mae gan bob Prifysgol ddyletswydd i gyhoeddi adroddiad blynyddol sy'n manylu ar yr wybodaeth ganlynol:

<b>Cydymffurfio cyffredinol</b>	Sut rydym wedi cydymffurfio â'r safonau yr oedd dyletswydd arnom eu cyflawni'r flwyddyn honno (yn ôl dosbarth y safon – cyflenwi gwasanaethau, llunio polisi, gweithredu).
<b>Cwynion</b>	Nifer y cwynion a gafwyd (yn ôl dosbarth y safon – cyflenwi gwasanaethau, llunio polisi, gweithredu).
<b>Sgiliau'r gweithlu</b>	Nifer y gweithwyr sydd â sgiliau Cymraeg ar ddiwedd y flwyddyn dan sylw.
<b>Cyrsiau hyfforddiant</b>	Nifer yr aelodau o staff (a'r ganran) a fynychodd gyrsiau hyfforddiant a gynigiwyd gennym yn Gymraeg.
<b>Swyddi a hysbysebwyd</b>	Nifer y swyddi gwag y gwnaethom eu hysbysebu yn ystod y flwyddyn a oedd wedi'u categorio gyda gwahanol ofynion o ran sgiliau Cymraeg.

Yn unol â gofynion y Safonau, mae'r adroddiad hwn yn ymwneud â'r cyfnod rhwng 1 Awst 2018 a 31 Gorffennaf 2019 (a elwir y cyfnod adrodd yn yr adroddiad hwn). Mae rhagor o wybodaeth am sut mae'r Brifysgol yn cydymffurfio â Safonau'r Gymraeg ar gael ar ein [gwefan](#). Mae hyn yn cynnwys adran am yr hyn y gall siaradwyr Cymraeg ei ddisgwyl gan y Brifysgol.

## Cydymffurfio Cyffredinol

Mae'r adran hon yn amlinellu sut mae'r Brifysgol yn cydymffurfio â Safonau'r Gymraeg yn ôl dosbarth y Safon (Gweithredu/Cyflenwi Gwasanaethau/Llunio Polisi).

### **Gweithgareddau cyffredinol sy'n helpu'r Brifysgol i gydymffurfio â phob safon.**

<b>Hyfforddiant gorfodol</b>	Mae'r Brifysgol wedi creu e-fodiwl Cymraeg y mae'n rhaid i'r holl staff ei gwblhau. Mae'r cyfraddau cwblhau'n cael eu monitro a'u cyflwyno i Ysgolion ac Adrannau bob mis. Mae ymgyrch gyfathrebu wedi bod ar droed drwy gydol y cyfnod adrodd er mwyn gwneud yn siŵr bod staff yn cwblhau'r cwrs. Erbyn diwedd y cyfnod adrodd, roedd 51% o staff wedi cwblhau'r modiwl.
<b>Uned Gyfieithu ac adnoddau eraill</b>	Mae ein Huned Gyfieithu wedi cael ei hehangu i chwe aelod o staff er mwyn adlewyrchu ymrwymiad y Brifysgol i gydymffurfio â'r Safonau. Mae'r Uned wedi creu teclyn ar-lein y mae modd cyflwyno ceisiadau i'w cyfieithu drwyddo. Hefyd, mae staff sy'n medru'r Gymraeg yn gallu

---

gofyn i'r Uned Gyfieithu wirio eu cyfieithiadau er mwyn gwneud yn siŵr bod yr ystyr yn gyson rhwng y fersiynau Cymraeg a Saesneg. Ar eu gwefan mae cronfa ddata o derminoleg y gall staff ei defnyddio. Gall staff drefnu cyfieithu ar y pryd drwy'r wefan.

Mae'r Brifysgol wedi prynu meddalwedd Memsources, sef cof cyfieithu sy'n storio'r holl waith cyfieithu er mwyn sicrhau cysondeb ac i gyflymu'r broses o gyfieithu yn y dyfodol pan fydd yr un frawddeg neu derm wedi'u cyfieithu o'r blaen. Mae uwch-gyfieithydd yn gwirio pob darn o waith cyn y caiff ei ddychwelyd er mwyn sicrhau bod yr ystyr cywir wedi'i gyfleu.

Mae'r Brifysgol yn cynnig geiriadur electronig Cysgeir a gwirrydd gramadeg a sillafu Cysill i'r holl staff.

---

### **Penodi Deon y Gymraeg**

Yn ystod blwyddyn academaidd 2018/19, llwyddodd y Brifysgol i benodi Deon y Gymraeg a fydd, yn ogystal â chydlynw gwaith y Brifysgol ar strategaeth newydd y Gymraeg, yn meithrin ein cyfraniadau unigol ac ar y cyd o ran hybu a hyrwyddo'r Gymraeg, yn cynnal goruchwyliaeth strategol o bortffolio darpariaeth y Gymraeg, datblygu polisi ac yn gyrru'r gwaith o weithredu'r strategaeth mewn perthynas â darpariaeth Gymraeg, a gweithredu fel hyrwyddwr proffil uchel ar gyfer anghenion academaidd ac ehangach myfyrwyr sy'n siarad Cymraeg.

---

### **Hyrwyddwyr y Gymraeg**

Mae gan y Brifysgol rwydwaith o Hyrwyddwyr y Gymraeg ymhlith y staff. Mae o leiaf un aelod o staff ym mhob Ysgol ac Adran, sydd â'r rôl o gynnig arweiniad ynghylch y Safonau, hyrwyddo arfer da ac adrodd problemau wrth Swyddog y Gymraeg.

---

### **Bwrdd Ymgynghorol y Gymraeg**

Mae Bwrdd Ymgynghorol y Gymraeg yn cwrdd yn chwarterol ac yn gweithredu fel cyfaill beirniadol ac ymgynghorydd ar gyfer cynlluniau'r Brifysgol i hyrwyddo'r Gymraeg a chefnogi addysg Gymraeg a dysg y myfyrwyr. Mae ei aelodaeth yn cynnwys staff (gan gynnwys cynrychiolydd o Undeb y Myfyrwyr) sydd mewn sefyllfa i gynghori'r Brifysgol ar anghenion a disgwyliaidau'r gymuned Gymraeg rydym yn darparu gwasanaethau ar eu cyfer.

Mae'n cael adroddiadau gan uwch staff o adrannau allweddol ledled y Brifysgol, megis Adnoddau Dynol, Cymorth i Fyfyrwyr, Dysgu ac Addysgu, a Recriwtio Myfyrwyr.

---

### **Codi ymwybyddiaeth**

Mae'r Brifysgol wedi creu a chyhoeddi [fideo](#), sydd ar gael i bawb ond sydd wedi'i anelu'n bennaf at staff, ac sydd wedi helpu i godi ymwybyddiaeth am hawliau Myfyrwyr o dan Safonau'r Gymraeg.

Rydyn ni hefyd wedi cynhyrchu taflen, a ddyluniwyd i gyd-fynd ag ymgyrch codi ymwybyddiaeth Comisiynydd y Gymraeg, #maegenihawl. Mae hon wedi'i rhannu â myfyrwyr mewn digwyddiadau fel wythnos y glas a Diwrnod Shw'mae, ac roedd ar gael mewn lleoliadau amlwg ledled y Brifysgol, fel Undeb y Myfyrwyr a'n preswylfeydd myfyrwyr.

---

### **Safonau Cyflenwi Gwasanaethau**

Gellir darllen datganiad o gydymffurfiaeth ffurfiol y Brifysgol â'r Safonau Cyflenwi Gwasanaethau yn ein [Polisi Cyflenwi Gwasanaethau Cymraeg](#).

---

### **Gohebu â'r Cyhoedd**

Mae'r Brifysgol wedi llunio arweiniad i staff ynghylch cyfathrebu'n ddwyieithog, ac mae hwn ar gael ar Fewnrwyd y Staff. Mae ymgyrch

---

	<p>gyfathrebu wedi cael ei chynnal drwy gydol y cyfnod adrodd er mwyn codi ymwybyddiaeth y staff o'r arweiniad. Mae'n cynnwys erthyglau rheolaidd i staff, a fideo'n egluro hawliau Myfyrwyr o dan y Safonau. Gofynnir i staff gynnwys llofnod dwyieithog ar waelod pob e-bost.</p> <p>Mae dewis iaith y myfyrwyr yn cael ei gofnodi wrth iddynt ymrestru ac mae'r wybodaeth hon ar gael yn rhwydd i'r staff sy'n cyfathrebu â nhw.</p>
<b>Ffôn</b>	<p>Crëwyd arweiniad i staff er mwyn helpu'r rhai di-Gymraeg gyda chyfarchion dwyieithog a recordio neges allan-o'r-swyddfa. Mae cardiau post wedi cael eu dylunio ar gyfer y bwrdd gwaith sy'n rhestru cyfarchion defnyddiol wedi'u hysgrifennu'n ffonetig ac mae'r rhain wedi cael eu dosbarthu'n helaeth ledled y Brifysgol.</p>
<b>Cyfarfodydd, Digwyddiadau, Darlithoedd Cyhoeddus a Chyfleoedd i Ddysgu</b>	<p>Crëwyd arweiniad i staff a dogfennau coeden benderfyniadau er mwyn helpu staff i ganfod a oes angen darpariaeth ddwyieithog yn y categorïau hyn. Mae'r Gwasanaethau Sicrwydd wedi rhoi cyflwyniadau mewn sawl grŵp rhwydwaith staff allweddol er mwyn codi ymwybyddiaeth o'r gofynion yn y meysydd hyn.</p>
<b>Gwefan</b>	<p>Mae system rheoli cynnwys gwe y Brifysgol (Squiz) yn caniatáu i'r Brifysgol orfodi unrhyw gynnwys a gaiff ei gynhyrchu ar ein Gwefan neu safleoedd y Fewnrwyd i gael ei gyhoeddi'n ddwyieithog. Mae'r Brifysgol wedi prynu teclyn sy'n caniatáu integreiddio rhwng Squiz a Memsources, ein meddalwedd rheoli cyfieithu, sy'n:</p> <ul style="list-style-type: none"> <li>• Caniatáu i waith cyfieithu gael ei gyflwyno a'i dderbyn yn Squiz – gan arbed amser ar fformatio a chopio cynnwys i Memsources;</li> <li>• Galluogi'r tîm cyfieithu i dracio cyfaint y gwaith a gyflwynir o'r wefan a'r fewnrwyd, er mwyn eu galluogi i flaenoriaethu gwaith</li> </ul>
<b>Dogfennau</b>	<p>Crëwyd arweiniad er mwyn helpu staff i ganfod y dogfennau y mae'n rhaid iddynt fod ar gael yn ddwyieithog. Rydym wedi adnabod y ddogfennaeth safonol y mae'r Brifysgol yn ei chreu ac rydym wedi rhoi prosesau ar waith er mwyn gwneud yn siŵr eu bod ar gael yn ddwyieithog gan ddibynnu ar ddewisiadau unigol neu pryd bynnag y bo'r angen.</p>
<b>Tiwtoriaid Personol</b>	<p>Mae'r Brifysgol yn gofyn i fyfyrwyr a ydynt am gael tiwtor personol Cymraeg wrth iddynt ymrestru. Rhennir y dewisiadau hyn â'r Ysgolion, a byddant yn neilltuo tiwtor yn ôl yr angen. Mae sawl Ysgol sydd â lefel uchel o fyfyrwyr sy'n medru'r Gymraeg yn aseinio tiwtor Cymraeg iddynt yn ddiogel.</p>
<b>Arwyddion, hysbysiadau a hysbysebion</b>	<p>Mae arweiniad i staff ar gael er mwyn codi ymwybyddiaeth o bwysigrwydd y maes hwn. Mae ein hadran Gyfathrebu yn greiddiol o ran gwneud yn siŵr bod ein cyfathrebu corfforaethol a'n hysbysiadau ar gyfer digwyddiadau'n ddwyieithog.</p>
<b>Cyfyngau Cymdeithasol</b>	<p>Rydym yn darparu gwasanaeth dwyieithog ar y cyfyngau cymdeithasol ar gyfer cyfrifon:</p> <ul style="list-style-type: none"> <li>• Sydd wedi'u rheoli'n ganolog gan ein tîm Cyfathrebu (cyfrifon Corfforaethol) neu;</li> <li>• Sydd â diben penodol i ddarparu gwybodaeth am wasanaethau a fyddai'n dod o fewn cwmpas gweithgareddau Cyflenwi Gwasanaethau sydd wedi'u rhestru yn y safonau ac</li> </ul>

---

sy'n cynrychioli prif waith y Brifysgol ar y cyfryngau cymdeithasol.

---

### **Safonau Llunio Polisi**

---

#### **Llunio Polisi**

Wrth greu Polisiâu newydd, cynnal ymgynghoriadau neu ymchwil yn ymwneud â'r Polisiâu hynny, gwneud penderfyniadau mewn perthynas â chyllid grant, neu ddatblygu neu ddiwygio cwrs, mae gofyn i'r Brifysgol ystyried yr effaith ar y Gymraeg. Mae ein Hasesiad o'r Effaith ar Gydraddoldeb yn cynnwys Asesiad Effaith leithyddol er mwyn gwneud yn siŵr bod materion y Gymraeg yn cael eu hystyried. Cynhelir yr asesiad hwn yn annibynnol ar y nodweddion a warchodir yn hytrach nag fel asesiad cyfannol o'r holl faterion.

I gydnabod pwysigrwydd y Safonau yn y maes hwn, mae'r Brifysgol wedi cynhyrchu canllaw i'r holl staff. Gyda chymorth rhwydwaith Hyrwyddwyr y Gymraeg, rydym wedi dechrau cyfeirio'r canllaw hwn at swyddogion a thimau sy'n debygol o gyflawni gweithgareddau a fydd yn golygu bod yn rhaid cynnal Asesiad.

---

### **Safonau Gweithredu**

Gellir darllen datganiad o gydymffurfiaeth ffurfiol y Brifysgol gyda'r Safonau Gweithredu yn nogfen [Polisi Safonau Gweithredol y Gymraeg](#).

---

#### **Recriwtio**

Asesir pob swydd newydd a/neu wag mewn perthynas â lefel yr hyfedredd yn y Gymraeg sydd ei hangen, a'i dosbarthu yn ôl un o'r isod:

- hyfedredd/rhuglder yn hanfodol
- hyfedredd/rhuglder yn ddymunol
- gofyniad i ddod yn hyfedr/rhugl
- dim angen hyfedredd/rhuglder.

Cyhoeddir hysbysebion swyddi yn Gymraeg a Saesneg. Mae ffurflenni cais a deunyddiau recriwtio ategol ar gael yn Gymraeg ac mae unrhyw ffurflen gais a gyflwynir yn Gymraeg yn cael ymateb Cymraeg.

Ar y ffurflen gais, rydym yn gofyn i ymgeiswyr a ydynt am gael y cyfweiliad yn Gymraeg.

---

#### **Hyfforddiant Staff am y Gymraeg**

Mae'r modiwl gorfodol am y Gymraeg yn cynnwys adran labordy iaith sy'n rhoi lefel sylfaenol o Gymraeg i staff.

Mae Ysgol y Gymraeg yn darparu ystod eang o gyrsiau Cymraeg sydd ar gael i staff sydd ar wahanol lefelau o ran gallu, er mwyn dysgu a gwella eu Cymraeg, yn ystod neu ar ôl oriau gwaith. Yn aml, cynhelir y cyrsiau mewn llefydd amrywiol o gwmpas Caerdydd, er mwyn galluogi mynediad i ystod eang o staff a'r cyhoedd. Mae cyrsiau unwaith yr wythnos, dwywaith yr wythnos, dyddiol neu fel bloc ar gael, ynghyd â chyrsgiau sy'n caniatáu i chi astudio hanner y cwrs ar-lein a'i hanner yn y dosbarth.

Hefyd, mae'r Brifysgol wedi neilltuo cyllideb ganolog o £20,000 y gall unrhyw aelod o staff ei defnyddio ar sail y cyntaf i'r felin. Ar ôl i'r gyllideb honno gael ei gwario, gofynnir i adrannau ac ysgolion gyllido gofynion gan eu staff am hyfforddiant yn y Gymraeg eu hunain. Gostyngwyd cost y cyrsiau i staff yn 2019, ac felly rydym yn disgwyl y bydd y gyllideb yn gallu cynnwys mwy o staff nag yn y blynyddoedd blaenorol.

---

**Dogfennau**

Fel sy'n ofynnol gan Safonau'r Gymraeg, mae dogfennau ar gael yn Gymraeg i staff ar gais.

**Cwynion a Disgyblu**

Gall pob aelod o staff wneud cais i ddefnyddio'r Gymraeg mewn materion yn ymwneud ag unrhyw gŵyn a godir, neu a godir yn eu herbyn. Os yw aelod o staff yn destun achos disgyblu, caiff yr unigolyn hwnnw ymateb yn Gymraeg mewn unrhyw gyfrwng.

**Cwynion**

Yn ystod y cyfnod adrodd, derbyniodd Prifysgol Caerdydd ddwy gŵyn mewn perthynas â Safonau'r Gymraeg, ac ystyriwyd y ddwy fel cwynion am Gyflenwi Gwasanaethau. Barnwyd nad oedd sail i'r un o'r ddwy gŵyn.

**Sgiliau'r Gweithlu**

Dyma fanylion am staff sy'n medru'r Gymraeg yn y Brifysgol:

<b>Sgiliau Cymraeg - Adran</b>					
	Cyfanswm y Staff	Rhugl	Rhywfaint o Allu	Dim Gallu	% Rhugl / Rhywfaint o allu *
GWASANAETHAU ACADEMAIDD A CHEFNOGI MYFYRWYR	867	29	223	390	39.25%
PENSARNIAETH	89	1	12	49	20.97%
Y CELFYDDYDAU, Y DYNIAETHAU A'R GWYDDORAU CYMDEITHASOL	74	6	24	29	50.85%
Y GWYDDORAU BIOFEDDYGOL A GWYDDORAU BYWYD	95	1	18	31	38.00%
Y BIEWYDDORAU	347	7	42	158	23.67%
YSGOL BUSNES CAERDYDD	315	6	35	106	27.89%
Y GYFRAITH A GWLEIDYDDIAETH CAERDYDD	209	10	43	68	43.80%
CEMEG	159	1	25	100	20.63%
MARCHNATA A CHYFATHREBU	109	10	42	53	49.52%
CYFRIFIADUREG	115	2	17	90	17.43%
DEINTYDDIAETH	125	3	14	79	17.71%
DATBLYGU A CHYSYLLTIADAU CYNFYFYRWYR	26	1	16	9	65.38%
GWYDDORAU'R DDAEAR	84	0	19	55	25.68%
PEIRIANNEG	320	4	50	164	24.77%
SAESNEG, CYFATHREBU AC ATHRONIAETH	95	5	29	54	38.64%
YSTADAU A CHYFLEUSTERAU'R CAMPWS	451	2	42	121	26.67%
CYLLID	76	0	25	50	33.33%
DAEARYDDIAETH A CHYNLLUNIO	83	0	20	51	28.17%
GWYDDORAU GOFAL IECHYD	279	15	48	123	33.87%
HANES, ARCHAEOLEG A CHREFYDD	92	2	13	31	32.61%
ADNODDAU DYNOL	76	2	23	40	38.46%
ARCHWILIO MEWNOL	3	0	2	0	100.00%
NEWYDDIADURAETH, CYFRYNGAU AC ASTUDIAETHAU DIWYLLIANNOL	90	2	12	41	25.45%
MATHEMATEG	61	3	13	43	27.12%
MEDDYGAETH	1190	20	189	443	32.06%
CERDDORIAETH	30	2	6	13	38.10%
OPTOMETREG A GWYDDORAU'R GOLWG	114	1	14	28	34.88%
FFERYLLIAETH A GWYDDORAU FFERYLLOL	110	4	18	41	34.92%
GWYDDORAU FFISEGOL A PHEIRIANNEG	31	1	12	18	41.94%
FFISEG A SERYDDIAETH	153	2	19	69	23.33%
SEICOLEG	193	2	23	73	25.51%
GWASANAETHAU YMCHWIL AC ARLOESED	96	3	42	49	47.87%
YR YSGOL IEITHOEDD MODERN	129	2	28	47	38.96%
GWYDDORAU CYMDEITHASOL	241	8	53	125	32.80%
CYNLLUNIO STRATEGOL A LLYWODRAETHU	44	7	15	21	51.16%
TECHNOLEG GWYBODAETH Y BRIFYSGOL	317	8	72	165	32.65%
SWYDDFA'R IS-GANGHELLOR	25	2	4	10	37.50%
CYMRAEG	81	53	1	0	100.00%
<b>Cyfanswm</b>	<b>6994</b>	<b>227</b>	<b>1303</b>	<b>3037</b>	<b>33.50%</b>

\* Canran y rhai sy'n Rhugl/Rhywfaint o Allu yn seiliedig ar eu hunan-ddatgeliad o ran gallu yn y Gymraeg ar ein system Adnoddau Dynol. Gweler y Tabl isod ar gyfer cyfraddau datgelu ymhlith staff.

<b>Sgiliau Cymraeg - Adran</b>				
	<b>Cyfanswm y Staff</b>	<b>Dim Ymateb</b>	<b>Ymateb</b>	<b>Cyfradd Ymateb</b>
<b>GWASANAETHAU ACADEMAIDD A CHEFNOGI MYFYRWYR</b>	<b>867</b>	227	640	73.82%
<b>PENSARNIAETH</b>	<b>89</b>	27	62	69.66%
<b>Y CELFYDDYDAU, Y DYNIAETHAU A'R GWYDDORAU CYMDEITHASOL</b>	<b>74</b>	15	59	79.73%
<b>Y GWYDDORAU BIOFEDDYGOL A GWYDDORAU BYWYD</b>	<b>95</b>	45	50	52.63%
<b>Y BIOWYDDORAU</b>	<b>347</b>	140	207	59.65%
<b>YSGOL BUSNES CAERDYDD</b>	<b>315</b>	168	147	46.67%
<b>Y GYFRAITH A GWLEIDYDDIAETH CAERDYDD</b>	<b>209</b>	88	121	57.89%
<b>CEMEG</b>	<b>159</b>	33	126	79.25%
<b>MARCHNATA A CHYFATHREBU</b>	<b>109</b>	4	105	96.33%
<b>CYFRIFIADUREG</b>	<b>115</b>	6	109	94.78%
<b>DEINTYDDIAETH</b>	<b>125</b>	29	96	76.80%
<b>DATBLYGU A CHYSYLLTIADAU CYNFYFYRWYR</b>	<b>26</b>	0	26	100.00%
<b>GWYDDORAU'R DDAEAR</b>	<b>84</b>	10	74	88.10%
<b>PEIRIANNEG</b>	<b>320</b>	102	218	68.13%
<b>SAESNEG, CYFATHREBU AC ATHRONIAETH</b>	<b>95</b>	7	88	92.63%
<b>YSTADAU A CHYFLEUSTERAU'R CAMPWS</b>	<b>451</b>	286	165	36.59%
<b>CYLLID</b>	<b>76</b>	1	75	98.68%
<b>DAEARYDDIAETH A CHYNLLUNIO</b>	<b>83</b>	12	71	85.54%
<b>GWYDDORAU GOFAL IECHYD</b>	<b>279</b>	93	186	66.67%
<b>HANES, ARCHAEOLEG A CHREFYDD</b>	<b>92</b>	46	46	50.00%
<b>ADNODDAU DYNOL</b>	<b>76</b>	11	65	85.53%
<b>ARCHWILIO MEWNOL</b>	<b>3</b>	1	2	66.67%
<b>NEWYDDIADURAETH, CYFRYNGAU AC ASTUDIAETHAU DIWYLLIANNOL</b>	<b>90</b>	35	55	61.11%
<b>MATEMATEG</b>	<b>61</b>	2	59	96.72%
<b>MEDDYGAETH</b>	<b>1190</b>	539	651	54.71%
<b>CERDDORIAETH</b>	<b>30</b>	9	21	70.00%
<b>OPTOMETREG A GWYDDORAU'R GOLWG</b>	<b>114</b>	71	43	37.72%
<b>FFERYLLIAETH A GWYDDORAU FFERYLLOL</b>	<b>110</b>	47	63	57.27%
<b>GWYDDORAU FFISEGOL A PHEIRIANNEG</b>	<b>31</b>	0	31	100.00%
<b>FFISEG A SERYDDIAETH</b>	<b>153</b>	63	90	58.82%
<b>SEICOLEG</b>	<b>193</b>	95	98	50.78%
<b>GWASANAETHAU YMCHWIL AC ARLOESIDD</b>	<b>96</b>	2	94	97.92%
<b>YR YSGOL IEITHOEDD MODERN</b>	<b>129</b>	52	77	59.69%
<b>GWYDDORAU CYMDEITHASOL</b>	<b>241</b>	55	186	77.18%
<b>CYNLLUNIO STRATEGOL A LLYWODRAETHU</b>	<b>44</b>	1	43	97.73%
<b>TECHNOLEG GWYBODAETH Y BRIFYSGOL</b>	<b>317</b>	72	245	77.29%
<b>SWYDDFA'R IS-GANGHELLOR</b>	<b>25</b>	9	16	64.00%
<b>CYMRAEG</b>	<b>81</b>	27	54	66.67%
<b>Cyfanswm</b>	<b>6994</b>	<b>2402</b>	<b>4520</b>	<b>65.30%</b>

### Cyrsiau Hyfforddiant

Gofynnir i'r Brifysgol gynnig hyfforddiant drwy gyfrwng y Gymraeg yn y meysydd canlynol, os cynigir y fath hyfforddiant yn Saesneg:

- recriwtio a chyfweld;
- rheoli perfformiad;
- gweithdrefnau cwyno a disgyblu
- ymsefydlu;
- ymdrin â'r cyhoedd;
- iechyd a diogelwch.

Pan fydd aelod o staff yn archebu lle ar y cwrs, anfonir e-bost atynt i roi gwybod am eu hawl i gael y cwrs drwy gyfrwng y Gymraeg, a sut mae gwneud cais am hyn. Ar hyn o bryd, nid yw'r Brifysgol yn cynnig hyfforddiant am weithdrefnau cwyno a disgyblu (yn Saesneg nac yn Gymraeg).

Gofynnodd (a chafodd) y nifer canlynol o staff hyfforddiant drwy gyfrwng y Gymraeg yn ystod y cyfnod adrodd hwn:

Enw'r cwrs	Ceisiadau/darparu cyfieithu ar y pryd	Canran y staff (%)
Hanfodion Iechyd, Diogelwch a'r Amgylchedd	0	0
Rheoli perfformiad	0	0
Perfformiad o ran Monitro'r Gymraeg	0	0
Cynefino - Gwasanaethau Proffesiynol a staff Academaidd ac Ymchwil	1	4.37
Sgiliau ar gyfer recriwtio a dethol	0	0
Sgiliau Cymraeg ar gyfer recriwtio a dethol	0	0
Asesiad o Sgrîn Arddangos	0	0
Codi a Chario	0	0
Profion dyfeisiau cludadwy	0	0
Gofal Cwsmeriaid	0	0
Rhagoriaeth Rheoli Gwasanaeth Cwsmeriaid	0	0

### Swyddi a Hysbysebwyd

Gofynnir i'r Brifysgol adrodd am nifer y swyddi a hysbysebwyd lle roedd sgiliau Cymraeg yn hanfodol. Cafodd y nifer canlynol o swyddi eu hysbysebu gyda'r Gymraeg yn hanfodol yn ystod y cyfnod adrodd:

Nifer y swyddi a hysbysebwyd	Nifer y rhai a recriwtiwyd i'r swyddi hynny	Nifer y siaradwyr Cymraeg a recriwtiwyd	% y swyddi hynny a gafodd siaradwr Cymraeg
67	46	32	70%

Mewn perthynas â'r gwahaniaeth rhwng 'Nifer y swyddi a hysbysebwyd' a 'Nifer y rhai a recriwtiwyd i'r swyddi hynny', dylid nodi'r canlynol:

- Bydd 'Nifer y swyddi a hysbysebwyd' yn cynnwys rhai swyddi yr oedd y Brifysgol wedi methu â recriwtio iddynt yn wreiddiol, cyn mynd ymlaen i ail-hysbysebu a recriwtio'n llwyddiannus yn ystod yr un flwyddyn galendr

Mewn perthynas â'r gwahaniaeth rhwng 'Nifer y rhai a recriwtiwyd i'r swyddi hynny' a 'Nifer y siaradwyr Cymraeg a recriwtiwyd', dylid nodi'r canlynol. Mae hyn yn egluro'r 30% o swyddi na lenwyd mohonynt gan siaradwyr Cymraeg, er bod y Gymraeg yn hanfodol:

- bydd y data hwn yn cynrychioli sefyllfaoedd lle mae'r Brifysgol wedi hysbysebu sawl swydd debyg iawn, a dim ond nifer penodol yr oedd gofyn fod ganddynt sgiliau Cymraeg.
- Mae'r data ar gyfer 'Nifer y siaradwyr Cymraeg a recriwtiwyd' yn dod o'n system Adnoddau Dynol, sy'n ddibynnol ar fod siaradwyr Cymraeg yn datgelu eu gallu i siarad Cymraeg. Mae'n bosib bod rhai ymgeiswyr llwyddiannus wedi dangos gallu digonol o ran siarad Cymraeg i gael eu cyflogi, ond nad ydynt wedi datgelu eu gallu ar y system Adnoddau Dynol o reidrwydd.
- Bydd rhai swyddi wedi cael eu hysbysebu gyda gofyniad i ddod yn hyfedr/rhugl, ond mae'n bosib nad yw'r ymgeiswyr llwyddiannus yn yr achosion hyn yn teimlo bod ganddynt ddigon o allu i ddatgan eu bod yn siaradwr Cymraeg.